

# Ikhlas

Urdu Kitab Ek Hazar Anmol  
Moti se majmun ka khulasa  
lipyantaran kiya he.



Sheikh Mohammad Ishak Multani.

Bismillahirrahmanirrahim

## ● Ikhlas

Ikhlas Deen ki hakikat he aur Aap ﷺ ki dawat ki kunji he, ikhlas ibadat ka dil aur uski rooh he jaisa ki Ibne Hajam (rh) ne farmaya ki niyat bandagi ka raaz aur amal rooh aur jisam ke jaise he aur ye baat ho nahi sakti ki bandagi me amal to ho lekin rooh na ho, ye is tarah he ki jisam to ho lekin isme rooh na ho, to vo jism bekar he, ikhlas amal ke kabul hone aur na hone ki buniyad he jo kamyabi aur nakami ka jariya banti he, aur khalis ikhlas jisme riyakari aur dikhlava na ho vo jannat me le jane ka jariya banti he. (Amalul Kulub)

## ● Ikhlas Se Mushkilo Ka Hal

Ikhlas ke jariye mushkile aasan ho jaati he hadis ka mafhum he teen log jo ek gaar me band ho gaye the, to unme se har ek ne apne ikhlas vale amal pesh karake duva ki, unme se pehle shakhs ne ye duva ki e Allah me apne valadain ki khidamat karta hun aur apne bal bachchon par bhi unhe tarjih deta hun agar ye amal tujhe kabul he to ye chattan hatade, to vo chattan thodi si sarak gayi, dusre ne ye duva ki ae Allah me sirf tere khauf se gunah se bachcha, halanki asbab bhi pure the agar ye amal tujhe pasanda he to is chattan ko hatade, fir vo chattan thodi si sarak gayi, aur issi tarah teesre shakhs ne kaha ae Allah apne ikhlas vale amal ko pesh kiya to vo chattan hat gayi aur vo azaad ho gaye, in teeno ne apne ikhlas vale amal ko pesh kiya to musibat se bachh gaye. (Amalul Kulub)